



三

李文鏡文集卷第十五

會昌  
昌

講更義兵山外邀截回鶻狀

殄滅回鶻事宜狀

李靖傳事狀

討襲回鶻事宜狀

昭義三軍請劉稹勾當軍務事狀

李彥佐翼城駐軍事狀

請賜澤潞四面節度使詔狀

李

一

幽州鎮魏使狀

請賜引敬詔狀

請發陳許軍馬狀

論彥佐劉沔下諸道客軍狀

論陳許兵馬狀

論河陽事宜狀

奉宣王宰直樞磁州商量奏狀

請賜仲武詔

請授王宰兼行營諸軍攻討使

石雄請添兵狀

請問薄重榮賊事宜狀

請問生口取賊計策狀

請諸道進軍狀

論劉稹送誠款與李石狀

論譯語人狀

右緣石佛慶等皆是回鶻種類必與本國有情紇圪  
斯專使到京後恐語有不便於回鶻者不爲翻譯兼  
潛將言語輒報在京回鶻望賜劉沔忠順詔各擇解  
譯蕃語人不是與回鶻親族者令乘遞赴京冀得互  
相參驗免有欺蔽未審會昌三年

請更發兵山外邀截回鶻狀

右緣回鶻旣已討除須令殄滅今可汗窮蹙正可梟擒忽萬一透入黑車子部落必恐延引歲月勞師費財望速詔忠順令進軍於山外黑車子去路邀截恐振武軍馬數少其李思忠下沙陀五百騎易定軍馬一千騎便令何清朝押領同去如至陰山北蕃知回鶻猶在舊處便令從北進軍取背則前後受敵必無所逃未審會昌三年正月十五日

殄滅回鶻事宜狀

右臣等商量回鶻衰殘取之在速一切須令三月已

前事了陛下若欲早見功效須激勸人心自古用兵皆懸賞格以此誓衆人必輕生今因景度等往幽州太原振武望三道各賜敕書如兵馬使已下大將取得可汗便授金吾小將軍及大郡刺史賞錢一萬貫如取得宰相便授兼御史大夫賞錢五千貫若是小將軍長行取得自身授兼御史中丞賞並准此今可汗與宰相只有四人直依此酬賞只用二萬五千貫文比一月供軍所費五分之一如此即得義知勸黠虜魚逃伏望出自宸衷早賜明敕處分未審會昌三年正月

三十日

李靖傳事狀

貞觀三年突厥諸部離叛朝廷將圖進取以靖爲定州道行軍總管率驍騎三千自馬邑出其不意直趨惡陽嶺以逼之頡利可汗不虞於靖見官軍掩至於是大惧四年靖進擊定襄破之可汗僅以身遁頡利可汗退保鐵山遣使入朝謝罪請本國內附又以靖爲定襄道行軍總管往迎頡利頡利雖外請朝謁而潛懷猶豫其年二月太宗遣鴻臚唐儉將軍安修仁慰之靖揣知其意謂副將公謹曰詔使到彼虜必自寬遂選精騎一萬齎二十日糧引兵自別道襲之公謹曰詔許其降行人在彼未宜討擊靖曰此兵機也時不可失韜信所以破齊也如唐儉輩何足可惜督軍疾進司師進陰山遇其斥候千餘帳皆得以隨軍頡利見使者大悅不虞官兵至靖兵將逼牙帳十五里虜始覺頡利畏威先走部衆因而潰散靖斬萬餘級頡利乘千里馬將走投吐谷渾西道行軍總管張寶相擒之以獻

討襲回鶻事宜狀

右臣等伏見李靖再破頡利可汗方始擒得聖付翰林錄李靖傳詔示劉沔曉諭云比者未取却公主與

回鶻接戰朝廷力稍不及舍之即易今旣取却公主  
又與回鶻接戰即須剪除令盡不得遺生後患兼令  
揀退渾沙陀共三千騎縱排比兼曬取三千人十日  
乾糧及乾蒸餅聞塞上五百錢買得一頭牛亦令約  
人數曬取牛肉乾脯且如此排比待景度幽州使回  
令劉沔專差信實軍將至景度数探問事情如仲武  
便肯出軍討襲即須且讓仲武不得爭功如仲武不  
信詞言悠慢未有去思即須及塞草未青虜馬羸弱  
便令蕃軍掩襲必見成功其李靖傳事謹連奏上伏  
希聖明採納

會昌三年五月五日

### 論昭義三軍請劉稹勾當軍務狀

右伏以元和中李師道自擅一方又爲桀逆及王師  
壓境天網四陳劉悟頗識轉禍之機乃有納忠之効  
朝廷獎其歸命寵遇逾渥待以信臣委之雄鎮從諫  
因父歿自揔兵權屬寶歷中政務因循事歸苟且與  
其符節以紊國章然猶恭守詔條咨諏善道亦修覲  
禮一至闈庭驟陟台階實非公議爰自近歲頗聚甲  
兵招致亡命之徒遂成逋逃之藪怵於和說自謂雄  
豪及寢疾弥留罔思臣節又令紀綱舊校誘動軍情  
樹置駭童再圖兵柄陛下以澤潞玄宗歷試舊地有

上黨故風俗和平人心忠義艱難以後多用儒臣又以劉悟功著先朝欲全其宗族特令供奉官薛士幹宣諭示以聖情而將校繼有表章未從明命臣等伏思劉悟以師道之逆親自梟夷誠合示一軍大順之源置子孫於無過之地而乃繼師道覆車之軌龍悒亂之風此而可容孰不可忍固須廣詢庭議以盡群情臣等商量望令兩省御史臺并文官四品以上武官三品以上於尚書省集議奏未審會昌三年五月二日

李彥佐翼城駐軍事宜狀

右彥佐即至翼城計賊中軍人百姓必有歸降來者

彥佐務推恩信必盡緩懷臣等深慮賊中潛奸人許爲降附人數漸廣必有異謀臣等商量望付翰林詔示彥佐如有百姓歸降量事優卹各令復業如軍歸降者亦須各有優賞復令將朝廷意旨轉相招誘逐旋踈理處置不得謂在翼城如軍人已歸降者不許却入賊中即望於界上別立一營令屯集委彥佐揀幹事軍將別將三五百人主領仍不與器械並不得令在晉絳界內屯集未審會昌三年六月五日

請賜澤潞四面節度使

右臣伏見後漢秦豐叛光武令朱祐盡力攻之至窮

困豐乃將其母子九人降祐光武不舎其罪至洛陽  
斬之大司馬吳漢劾奏祐違詔受降失將帥之任伏  
以兵未交鋒便能歸順須存大信猶可曲全今劉稹  
告諭不悛加兵自備逆命之罪天地不容若至窮蹙  
歸降並不得受臣等謹錄漢朝故事如前望付翰林  
錄示元逵彦佐劉沔茂元弘敬及義逸行周等詔令  
准此處分未審

會昌三年六月十九日

### 幽州鎮魏使

右緣秋氣已至將議進兵幽州須早取可汗鎮魏須  
速平劉稹各要遣使諭旨兼潛探三鎮軍情今日延

英面奉聖旨欲令張賈克使臣等續商量張賈幹濟  
有才甚諳軍中事體然性稍負氣不安恬恣不如且  
輟李回克使如以綱臺不可暫闕即兵部侍郎鄭涯  
久克戎鎮判官性甚精敏雖無詞辨言亦分明官重  
事閑最相宜稱未審

會昌三年七月一日

### 請賜弘敬詔

又緣令王宰自領陳許兵直抵邢州要詔示元逵弘  
敬諭以河陽太原皆隔山險進軍未得緣卿等已東  
面進軍賊中惴懼近日頻入晉絳焚燒村舍地邇閑  
輔深要防虞恐昭義知西面進軍稍難偷安旬月今



李衛公文集卷十五  
令王宰自領全師直抵磁州以分賊勢望付翰林約  
此意撰詔未審會昌三年八月十一日

### 論彥佐劉沔下諸道客軍狀

右訪聞諸道客軍皆自有都頭常相顧望不肯効命  
請依河朔軍法委彥佐劉沔每三二千人分爲一團  
如有應急使用處便點一團令去一切成敗責在都  
頭如此則人必齊心將皆惧法臨機赴敵不敢因循  
如蒙允許望付翰林各賜詔處分未審會昌三年八月十五日

### 論陳許兵馬狀

右緣魏博討賊遷延頗招物議昨令陳許兵馬直抵

磁州此是制敵深謀攻心上策徐廼文到京之後方  
知陳許發兵便云弘敬全軍自取磁州則是畏懼陳  
許須待弘敬出軍表到方得委知若便遣王宰罷行  
亦是姑息太過只緣河陽山險攻討艱難王宰頓軍  
虛費饋運望密詔示王宰但令從容排比未要速便  
道途賊中聞此軍聲必合破膽魏博若全師自出續  
止陳許不遲如蒙允許望付翰林約此意賜詔處分  
未審會昌三年八月二十日

### 論河陽事宜狀

右緣河陽奏事官高從真到稱十八日陳後遍山遍

谷盡是賊軍。茂元兵力寡少，頗似危急。若賊勢更甚，便要退守懷州。非惟損挫威聲，必恐驚動東洛。皆由魏博未有陳戰。陳彥佐又隔深山，所以併力南攻，不得不慮。自元和以來，賊中用衆皆取軍寡弱處，即併兵用力一處不敵，後即移向他處。計王宰排比已有次第，倘遣全軍便發，救援河陽不止，捍蔽洛京，足以臨制魏博。如恐全軍費損，饋運計王宰必見先鋒。望今日降中使賜詔，令宜發先鋒五千人，便赴河陽所。冀免落奸計。事幾至切，不可更遲。如蒙允許，望賜茂元王宰行敏詔處分。會昌三年八月二十四日

### 第二狀

右訪聞河陽兵力已竭，弓矢皆盡。地邇東洛，實係要危。内外人情無不憂恐。切望詔王宰發先鋒五千人，後須自領全軍繼進。仍望今日內發使賜詔處分。河陽所貯諸道進助軍器械並望且搬賜茂元。猶恐器械數少，兼望內賜甲一千副，弓三千張，并弦箭三萬隻，陌刀二千口，兼聞河陽軍用罄竭，賞給不克。自出軍以來，並未有恩賜。望賜絹三萬匹，且以河陰見在物委度支差脚速搬送。未審。會昌三年八月二十八日

奉宣王宰欲令直抵磁州，得否宜商量奏來。

者

右臣等商量昨者緣魏博久未進軍兼涉物議所以請王宰全軍直抵磁州以分賊勢所冀昭義破膽弘敬不敢逗留今旣收平息殺傷不少便許弘敬自當一面必見成功然河朔軍情常須以威臨制弘敬一心雖至忠順終慮將枝異端况中外人心皆憂河陽寡弱王宰已排此兵又頒恩賜且令全軍赴河陽兼得遙制魏博兩面事勢皆得機宜未審會昌三年九月一日

請賜仲武詔

右臣等見李回說仲武似疑劉稹未有罪狀及見子

回說從諫積惡僭侈便忠憤感激告若罪狀如此朝廷固合誅夷臣等商量因處分邊事望賜仲武書諭以深意要云從諫入覲之初茂元縱得痊復且要留鎮河陽行營諸軍須便有所委茂元疾雖加重朝廷亦免它虞前月二十九日延英面奉聖旨亦以兩道節度同在一處非便臣等商量望授王宰兼行營諸軍攻討使如蒙允許望加劉沔張仲武招撫使例降黃敕處分未審會昌三年九月四日

論石雄請添兵狀

右訪聞翼氏去潞州最近纔二百里已下於此進兵

最當要害冀城亦是大路溘備賊奔衝石雄雖兵數  
已多終是分張處廣必須初免所請方可責其成功  
今緣西備蕃戎邊鎮不可抽減向東抽發又不及幾  
訪聞奏事軍將張弘慶云陳許泗兵初到行營軍  
外子弟有一萬人已上緣未有戰陣聞不得已稍却  
歸本道今猶有少壯堪克戰卒五六千人皆是父子  
兄弟人心齊一臨時使用絕勝諸軍翼氏去賊最近  
石雄又至驍勇假其兵力事必速成陛下方集大勳  
不可更惜小費臣等商量望賜石雄義逸詔令與陳  
許徐泗軍外子弟各召二千人並須揀少壯有武藝

堪入戰陣者充仍望約陳許長行制與鄭注交結因  
緣貨賄濫授鈞衡及歸鎮後又與李訓結託所謀狂  
險中外具悉自訓注夷滅心不自安頗恃甲兵轉懷  
悖慢先朝外雖優寵中實懷疑及從諫疾病之時魯  
無誠款昨遣中使臨問兼借名醫矯託異端竟不相  
見便樹置劉稹令將校繼獻章表不待朝旨便令繼  
襲以澤潞一鎮有啓聖舊宮艱難已來多用文吏如  
抱真者創軍幕於國兼有大功身歿之後其子皆赴  
京闕此謂劉稹愚騃迫於軍情望其愛惜家門稍能  
後悔頻敢馳突晉絳侵軼河陽近李丕投降及魏博

李衛公文集卷十五  
收平恩縣得劉稹勝帖並已進來皆呼官軍爲賊逢  
着卽須痛殺悖逆如此天地不容想卿遠聞因當奮  
激卿宜速諭諸蕃部落同滅可汗卿但北邊立功劉  
稹必當自潰策勲命賞以卿一道爲先卿深體此懷  
兼示將校如蒙允許望付翰林約此意撰詔未審會  
三年九月二日

請授王宰兼行營諸軍攻討使狀

右緣王茂元雖是將家久習吏事深入攻討非其所  
長訪聞東畿自聞狂寇侵軼尚未安定茂度支權給  
衣糧徐泗緣有醬菜望以兩處兵馬皆在行營事體

須同不可獨給如蒙允許望速賜詔示未審會昌三年九月

二十四日

請問薄仲榮賊中事宜狀

右臣等昨於延英奏請降中使問薄仲榮生口四十  
人內幾人是赤頭卽聖意以元逵之故不欲更問臣  
等商量緣薄仲榮是賊之心腹必盡知謀計終要遣  
使出城勘問賊中兵馬多少諸界布置防備何處今  
欲入兵何處最當要害兼問賊中人情還思歸順否  
宜對鎮州押衙軍將仔細勘問不要回避必得事情  
因此不妨便知生口赤頭卽數元逵知勘赤頭卽賊

中事宜必不疑慮因此兼勘河陽魏博生口以此參  
驗必知未審會昌三年  
月六日

請問生口取賊計策狀

右伏以殘寇未平湏廣求良計臣等竒有所見則合  
上聞遠則韓信近則李靖皆臨刑免死後立殊勛忽  
有其人亦不可料望令勘事中使宣問如有竒計秘  
能必取劉稹或可以反間令自相梟戮及能設計取  
彼州縣兼招得都頭者並仰速具事由聞奏如計畫  
明切便堪施行即貸其死命令於諸軍敕命不妨有  
可採錄或助戎功可否之間在於宸斷會昌三年  
月十日

請諸道進軍狀

右緣王宰兵已深入湏取澤州又恐賊於萬善向東  
衝突湏更尅期齊進正月六日並是良日一日雖是  
歲首亦合軍機緣軍在行營歲日與常日無異賊中  
有州縣村閭隨分必須作歲乘其無備必易成功其  
兩日伏在聖明裁定戎事尚密所降中使望計行程  
令取事前兩日到行營即得又恐賊中困蹙即自有  
變望密詔王宰石雄義忠等聞彼有變使湏星夜進  
程兼先差專使與彼大將書具云初經變革湏得王  
師應接以安人心兵馬並不入潞州只在三數十里

內下營並不驚擾村閭即當秋毫不犯直須待立功  
軍出潞州新節度使入後處置大段公事了方得抽  
軍其元逵弘敏緣隔山東又恐漏洩此意並望不賜  
詔示如蒙允許望付翰林各賜詔處分

會昌三年十二月二十二日

論劉稹送款與李石狀

會昌四年正月四日

右臣等得李石狀報劉稹潛有款誠伏以王師壓境  
已是六月賊境累經侵軼頗肆猖狂今事勢困窮人  
心思變因此請命冀遣靈誅望詔李石且與李恬書  
不得云已與聞奏但遣將無屬直界首方敢上聞以  
此邀之更觀旬月仍望詔元逵弘敏王宰石雄便令  
齊入切料旬朔之內必有變生今饋運之費計至春  
末並足如二月已來尚未殄滅然議納其代款事亦  
不遲如蒙允許望付翰林各賜詔處分

李文饒文集卷第十六

會昌一品制集

論用兵四

請遣制使至天井翼氏宣慰狀

奏晉州刺史李丕狀

李克勤請官軍一千二百人自引路取涉縣斷

賊三州道路狀

魏城入賊路狀

天井翼氏行營狀

請准兵部式依開元格置跳盪及第一第三功

狀



奉宣石雄所進文書欲勘問宜商量奏來狀

論赤頭赤心健兒狀

論堯山縣狀

奏磁邢洛三州諸縣鎮兵馬狀

潞磁等四州縣令錄事參軍狀

論邢州狀

巡邊使劉濛狀

昭義軍事宜狀

請先降使至党項屯集處狀

論益州屯集党項狀

請遣使至天井翼氏宣慰狀

右臣等近訪聞城中之計只待林木陰合以老王師如此遷延必恐過夏伏見元和中憲宗緣淮西久未成功遣尚書右丞許孟容至行營宣慰令面詰青光顏重胤兼取光顏等及大將已下狀皆請一箇月內併賊自後不敢逗留累破大城柵憲宗又令梁守謙往遂破郾城續令裴度去竟破淮蔡去秋李回唯至鎮魏兩道王宰石雄並未有制使宣慰臣等商量望令李回至天井翼氏宣慰兼取王宰石雄及諸軍都頭兩道大將等狀令具破賊期限聞奏如蒙允許望

令乘遞早發未審

會昌四年三月一日

奏晉州刺史李丕狀

綠揚言作亂而李丕殺安義節之子

右緣安義節管沙陀兵馬三十餘年蕃人之心最尚讐怨戰陣之際固難隄防李丕旣不主兵無以自衛且令在州緩緝應接石雄行營每欲進兵與其謀度不妨理兼得坐籌如蒙允許望各賜詔處分未審

會昌四年三月十四日

李克勤請官軍一千二百人自引路取涉縣

斷賊山東三州道路狀

右奉宣令臣等商量奏來者臣等喚得王逢細問王

逢云自領行營兵馬便在榆社並不到儀州其涉縣道路遠近山川險阻先不曾諳委又恐李克勤所通涉縣多少未得諸實今請於儀州置軍糧迤邐下寨兼側近捉生勘問委知涉縣無賊大兵鎮守方可進軍又去榆社河東怯弱終不堪用代山向北軍馬王逢曾經使用即校精強今來是防秋時請委節度使除蔚州飛狐靈立與幽州接界外代諸州軍量抽二千人即得此二千人已敵榆社五千人又向北烽子約有一千人敵已來極勁耐辛苦一人敵十人量抽五百人將赴行營每隊與十人五人令入陰偷城非

常得力又云李克勤所請一千二百人太少軍中難  
得一一相似若只與一千二百人無二三百人已來  
堪用臣等商量且差中使押領李克勤赴榆社至晉  
州過日先召取李丕與李克勤面議機計審定入兵  
處所錄取兩本狀一本封進一本將與義忠其所要  
兵馬多少及進軍時日並委義忠與行營大將及克  
勤審細商量奏聞如可決行須便應機速去不要更  
待進止即事得神速免漏軍機如蒙允許望賜義忠  
李丕詔處分未審

會昌四年  
四月二日

魏城入賊路狀

右伏以饋運支計本約至五月今若五月未平小寇  
即須便過盛暑臣等夙夜思慮切要改張石雄西面  
險阻須得王宰忠義深入方可進軍榆社兵由未足  
天井固難獨入以此故遂成因循訪聞魏城絕當要  
害向南十二里至狗脊嶺雖有小山並無險阻二十  
五里便至武鄉縣直抵潞州便是平川臣等訪問王  
逢須得一萬精兵方可前進今則近更無徵兵處遠  
處又不及勸望降中使與石雄商量便將義武步兵  
萬人就義武馬軍兼沙陀馬軍五百就榆社沙陀此  
外於中武步兵及河中衙隊共揀七千人通前似僅

李德公文集卷十六  
一萬人并榆杜宣武充海義父馬軍都是一萬五千  
精兵足得濟事取魏武路直入旬月必見成功翼氏  
翼城猶有一萬八千人但令保險又守城寨權差供  
奉一人監領待石雄得武鄉後即令翼氏翼城諸寨  
兵馬齊進與石雄合軍仍委石雄與李丕同商量如  
此穩便即須排比今月中旬末赴魏城事貴神速不  
得漏泄會昌四年四月五日

### 天井翼氏行營狀

右昨者初夏頻請進軍所冀未熱之時便見次第今  
炎毒已甚迫促稍難殷宗伐鬼方周公東征皆三年

乃尅淮蔡滄景亦三四年王者之師以全取勝急攻  
則狂賊得計稍緩則賊勢日窮况出內庫貨財以資  
軍食計量饋運必及冬間緣兩道皆有供奉官非惟  
節將心不敢安難於擇使亦恐營柵甚暑不易祗供  
望賜詔各令且回兼詔示王宰石雄亦不可稍緩之  
意但云時方炎暑恐供奉在彼有妨戎事任卿自擇  
便利不得安閑會昌四年六月四日

請准兵部依開元二年軍功格置跳盪及第

### 一第二功狀

開元格臨陣對寇矢石未交先鋒挺入陷堅

李衛公文集卷十六  
五  
災象賊徒因而破敗者爲跳盪

右開元中酬跳盪功止於武官及勳比今日流例即事校簿其立跳盪功與格文相當者不問軍將官健白身便望授監察御史者超兩資授憲官已至常侍大夫者臨時別望優與處分其先鋒第一功如有官者便授檢校將軍卿監累官至賓客者即授御史其第二功無官者授檢校少卿監及中郎將累至賓客者即與御史

開元格跳盪功破賊陣不滿萬人所叙不得過十人若萬人以上每一千人聽加一人其

先鋒第一功所叙不得過二十人第二功所叙不得過四十人

右三等立功人數請依開元格收叙如過此數並望落下

開元格招得一萬人已上其頭晉一人准跳盪功例一千人已上准第一等例賊數不滿千人量差等處分

右若依舊格雖有此例今望招得一千人便准跳盪例五百人准第一等例五百人以下節級處分  
開元格每獲一生酬獲人絹十疋

右緣並無軍將官健等第稍似不備今請獲賊都頭  
賞絹三百疋獲正兵馬使賞絹一百五十疋獲副兵  
馬使都虞候賞絹一百疋都虞候已上仍並別酬官  
爵如是官健仍優與職名獲賊正將賞絹七十疋獲  
賊副將賞絹三十疋獲賊赤頭郎及劉稹新召宅內  
突將賞絹十疋獲賊長行賞絹三疋如是土團練鄉  
夫之類不在此例每獲生口便望令所獲人對中使  
點勘上曆不得令有虛妄其賞給時亦望令中使自  
對面分付

以前件開元格如前臣等商量緣比來大陣  
酬賞只是十將已上得官其副將已上至長  
行並是甄錄今但與格文相當即便酬官所  
冀盡霑渥澤又緣每陣獲生並有優賞今據  
開元舊格等級加恩如此則頒賞有名人心  
知勸如蒙允許望各賜詔仍封賞格令榜示  
三軍未審

奉宣石雄所進文書欲勘問宜商量奏來  
狀

右臣等商量賀意比因楊弁作亂之時已涉賊中言  
語究其蹤跡必非循良深知王宰不知爲其誑誤若

不尋問旬月後王宰的自知見朝廷隱忍必懷憂負  
又不一度明辨石雄轉有所疑望付封晉絳所進賊  
中文書詔示王宰及守度對王宰追賀意勤問如審  
有潛報蹤由便就行營按軍令如涉曖昧即令王宰  
差使押領送上都其遊弈差替聞奏仍望詔示石雄  
未審

會昌四年閏七月一日

### 論赤頭赤心健兒等狀

右健兒等敢同元惡久抗王師比屋皆誅未足塞責  
然以此軍忠義未嘗失節艱難已後頻立戰功赤頭  
赤心皆是賊妄立此名以張聲勢未必人皆敢勇生

死一心所慮玉石俱焚善惡同棄詔王宰石雄義逸  
國亮許其自相糺出如是鄆州父子弟及從諫處  
招到兇惡將健等棄用兵後爲劉稹出死力戰鬪先  
把官軍毀罵行營節度使者任自推出即免累及平  
人伏料如此號令必不敢容蔽兇黨其合誅戮者亦  
自甘心昭示四方稱朝廷弔人伐罪之意如蒙允許  
望付翰林約此意詔示未審

會昌四年九月三日

### 論堯山縣狀

右臣等見鎮州奏事官梁居簡稱城內並無禮於元  
遠兇惡頭首推出二十餘人並梟戮訖其餘皆悞殺

戮却閉城門伏以寇孽既平盡是國家城鎮控制河朔須存壘垣豈可更令元逵窮兵攻取望中使賜城內將士勅書招携各令安堵仍賜元逵詔便令抽兵歸本道并賜盧鈞詔亦令自遣使安存未審

會昌四年九月

奏磁邢州諸鎮縣兵馬狀

右件鎮縣兵馬並准江淮諸道例割屬本州收管所有解補並委刺史自處置訖外有申使如鎮過十將已上是軍中舊將兼有憲官不願屬刺史者並委盧鈞追上驅使

潞磁等四州縣令錄事參軍狀

右緣地貧俸薄無人情願多是假攝破害疲旺望委吏部於今年選人中揀幹濟魯有績効人稍優一兩任注擬其俸料待勘數到續請商量聞奏

以前並是積久之弊且要故張所異刺史得主  
兵權免受牽制官人皆由選擇可委緝綏既無  
軍鎮干侵自然得施教化臣等商量如前未審

會昌四年九月二十七日

論邢州狀

右邢州城門盧弘指稱劉從諫安置昭義軍額龍



縣安置邢州額刺史李行循見在縣中安置伏以朝廷制置必在正名劉從諫曾不聞奏擅自移改臣等商量邢州額望依前於城安置刺史便勒移入州內如亭臺有僭侈處並勒毀折訖聞奏龍足縣依前充縣令理所會昌四年十月十七日

巡邊使劉濛狀

右緣李回等稱黠戛斯使云今冬必欲就黑車子攷回紇可汗餘燼切望國家兵馬應接黠戛斯使回日已賜勅書許令幽州太原天德振武各於路邀截出兵伏以控馭蕃戎最在誠信既有期約不可參差須

遣使臣早爲布置其劉濛使望從靈武至天德振武取太原路赴京兵力素全蕃人至衆只要令先事揀練兼修整器械緣累年用兵計所聞者最是兵伏早須爲備擬仍令代北諸軍鎮添補逃亡官健及點檢退渾沙陀等部落縱橫排比至防秋時且各令於山頭烽內要害城鎮屯集待知回鶻指的消息即於山外邀截其天德自西受降城至振武穿陰山賊路如有要路削及添木石填塞處早令下手修繕仍於要路深掘壕塹多置陷馬坑須防黠戛斯向北蹙逐回鶻入塞唐突緣天德振武兩處兵力寡少恐須臨時

李衛公文集 卷一  
接借望委劉濛與節度防禦使仔細商量據下切要  
聞不得妄令申請其幽州兵馬至多不得先令排比  
待冬至初續降中使賜詔如蒙允許望付翰林約此  
意各賜詔處分未審會昌五年二月二十三日

昭義軍事宜狀

右今日見石雄報狀盧鈞因出城至斐村送兵馬步  
軍遂回旗劫掠以此知盧鈞都不曉戎事從前發遣  
與馬節度使不合出子城諸城門亦合先布腹心把  
捉聞昭義軍中畏懼石雄稍甚如軍亂未定且要石  
雄提挈精卒自至澤州移牒索亂軍頭管如送出管

惡其餘不問計必當無事如指揮未定且要分五百  
人兼揀好將鎮守端氏城其端氏城是劉從諫近年  
修築非常牢固去年劉稹阻命安全慶軍元在端氏  
所以敢擾西界今若分兵鎮守端氏即翼城盡無可  
虞又恐亂軍潰散於諸處劫殺河陰兵馬切不可抽  
亦須稍加警備石雄忠勇思慮恐未周至伏望賜密  
詔處分謹錄奏聞會昌五年八月十一日  
請先降使至党項屯集處狀

右伏以前代伐叛皆須先諭文誥儻未柔服則當臨  
以兵威古人云明其有罪敵乃可服緣党項自麟府

李補公文集 卷之六  
廊坊至于太原徧居河曲種落實蕃其間皆有善良  
豈敢盡爲暴害况北有殘虜西有犬戎使其貳心終  
成邊隙切要存以大信示以優恩撫納不悛然加顯  
戮便須擒盡首惡永絕禍根如此則朝廷誅之有名  
彼亦無怨臣等商量望差給舍一人令邊鎮出兵護  
送且至叱利鎮城下密召酋長喻以國恩問其屯兵  
事由有何冤屈既命親王爲帥又有巡院監察只合  
詣闕伸冤豈可便興師旅殘毀城戍焚蕪村閭百姓  
何辜受此塗炭其首謀皆叛及打破邠寧鹽州界城  
堡罪人並須分別送出仍須是本族酋長不特是族

內平人善惡既分邊境寧靜卽且爲容忍待之如初  
若不送罪人猶敢嘯聚必當大兵誅討他日不得有  
詞如蒙允許臣等續揀擇使臣聞奏仍望付翰林約  
此意撰敕書未審

會昌六年正月十一日

### 論鹽州屯集党項狀

右党項久爲劫盜須示嚴刑比者且務含容猶可待  
之恩信今者自知惡稔朝廷將欲翦除必恐轉不自  
安更懷奸計出師則鳥散山谷抽兵則蟻聚塞垣日  
往月來漸成邊患望使三劍士幹詔及其屯集未散  
速令攻討如已退散則須乘此兵力驅出南山其打

破城堡及於吒利鎮屯集者即且驅出令於平夏放  
牧不得更固山險切須分別詳審不得枉及無辜務  
令邊寨永清商旅無滯翼因此舉盡獲叛徒未審  
六年正月十六日

李文饒文集卷第十六

李文饒文集卷第十七

會昌一品制集

密狀

論遊幸狀

論討襲回鶻狀

論幽州事宜狀

論田群狀

論劉稹狀

論鎮州奏事官高迪密陳意見二狀

進任晚李丕狀

奏續問得高文端賊中事宜四件狀

論天井翼氏事宜狀

論沼州事宜狀

論回鶻事宜狀

李德公文集卷十七  
進振武節度使李忠順狀

論潞府事宜狀

論昭義軍事宜狀

論遊幸狀

人君動法於日

右臣竊見近日陛下畋遊稍遠還宮近夜伏以人君動法於日故日出視朝日入宴息古人去將旦清風發群陰伏君以臨朝不牽於色日將入屏專迺侍君就房有常節伏望陛下深察古人之言向後遊幸不至侵夜

人君動敬天道

古以人君天之所予常宜奉順天道亦猶人臣之事陛下常須戒慎臣雖暗昧不知天道近頗見中朝人說自秋已來五星所行稍失常度此皆天意慤勤儆戒陛下毛詩云敬天之渝無敢馳驅又古人云動人以行不以言應天以實不以文伏惟陛下稍節馳驅以順天意

以前臣伏蒙陛下自遠鎮授之鈞衡若畏避不言實負恩德不敢對諸宰臣論奏謹具密狀以聞不任惶惧迫切之至

討襲回鶻事宜狀

右臣頻奉聖旨緣回鶻漸逼把頭烽早須討龍襄兼如何取得公主者臣久經思慮非不精詳回鶻皆騎兵長於野戰若在積圉難與交鋒雖良將勁卒無以制勝臣比聞戎虜不解攻城則知除馬上馳突其他並不慣習臣料必無遊奕伏道又未會斫營倘令石雄以義武馬軍一千騎兼揀退軍一千騎精選步卒以爲羽翼銜枚夜襲必易成功臣夙夜籌度無出此計如以爲允伏望各賜密詔處分臣伏望留中不出

論幽州事宜狀

古臣伏見報狀見幽州雄武軍使張仲武已將兵馬

赴幽州雄武軍使今日奏事官具仲舒到臣宅臣扶疾與之相見細問雄武只有兵士八百人在此外更有土團子弟五百人臣問兵馬至少如何去得仲舒答臣云只繫人心歸向若人心不從三萬人去亦無益據此說即是仲武得幽州人心又云張絳初處置陳行泰之時已曾喚仲武欲讓與留務是衙門內一二百人未肯仲武行至昌平縣去幽州九十里却令歸鎮臣又問萬一入不得即有何計仲舒云幽州軍糧並貯在媯州及向北七鎮若萬一入未得却於居庸關守險絕其糧道幽州自存立不得伏以陳行泰

李衛公文集卷十七  
張絳皆是邀求符節固不可比仲武先布款誠侯朝  
廷指揮因此拔用必能盡節加之恩寵亦似有名緣  
在假未獲面奏謹先密奏伏望留中不出

### 論田群狀

右臣數日來竊聞外議云田肇緣田群抵法不食而  
終義動人倫無不傷歎伏見後漢時河間尹及潁川  
人史玉皆坐愆人當死尹次兄初史玉母渾皆詣官  
曹來代其命因縊而物故漢帝哀之並赦其死既有  
故事敢不密陳臣若於中書公論必外爲人傳說臣  
對諸宰臣不敢議及此事今手狀陳奏實願發自天

慈必冀中外人心無不感悅臣與田肇兄弟唯識其  
面未嘗交言班行具知非敢謬妄况臣年近六十位  
忝上公唯願竭肺肝上裨聖德豈敢稍涉情故罔惑  
聖聰此狀願留中不出

### 論劉稹狀

太原狀附

右臣適見度支報狀王宰已似納其情款發使之時  
不以先聞便受表章欲自擅招撫之功昔韓信破田  
榮李靖擒頡利皆是納降之後潛兵掩襲只可令王  
宰失信豈得損朝廷武威建立奇功實在今日必不  
可以太原小擾失此事機緣內養尋常克使恐節將

未便承稟伏望降供奉官今日便赴行營自看進軍  
掩其無備兼許三軍儻立除勲必比諸軍倍加賞賜  
如劉稹已出潞府須令全家面縛兼郭誼劉公直張  
谷陳揚庭李仲京等面縛即受領如劉稹自来却令  
送回輒不得受兼要降供奉官至晉絳行營密諭石  
雄若王宰已納劉稹即石雄無功可紀累經大陣自  
當矢石垂成之際須自取奇功便看齊入勿失此便

### 太原

右太原只是貧虛犒賞不足從前人心忠順况一千  
五百人豈足爲事必不可姑息寬縱况兵事未罷深  
慮所在動心望賜李石詔且令身赴行營於側近徵  
兵討亂兼遣義忠却赴太原許罪其首惡其餘一切  
不問若兵力可及便須翦戮頃年張延賞在西川因  
張朮作亂走至漢州却得入成都合令李石且依有  
兵處却入則不損朝廷威命兼不妨榆社有兵望降  
使處分

以前件臣緣假日兵機切速不暇與李紳等參  
議謹密狀奏聞如蒙允許便望今日

論鎮州奏事官高迪陳意見二事狀

請官軍  
回避倫

兵處  
不戰



李德公文集 卷十七  
右高迪稍賊中更無他計只是潛抽兵併向一處排陣引官軍索戰官軍即須探知若攻城寨來即要與戰如不來並不要將兵逼逐緣偷兵併來停住三日不得即須却歸本處但三四數度不與戰即賊知官軍覺其情計自然喪氣如此不得便宜後必軍入別有變故每度出軍排陣官軍便逼逐與鬪皆是落賊奸計一度小得便宜後知官軍三箇月瘡痍未復即撤兵又向別處切要王宰石雄義忠常密遣細作探偵知諸處抽兵來即不要戰知抽兵却兵虛處即入兵攻討但常如此支敵萬萬不落便宜

請令鎮州魏博深入下營要分賊勢

右高迪稱鎮州魏博兵馬至多並未分得賊勢緣不離舊處下營一兩箇月一度將兵深入燒掠村間驅討牛馬與乞火相類賊中並固守城邑外有村間牛馬賊亦不惜今須令鎮州兵馬移軍下寨扼其要害每移三二十里即得魏博即須令早過漳河若且如今日下營處賊中都未忙忽灼然分賊勢未得又云河北節度使朝廷若會其情甚易驅使每賜詔切要好言語優獎彼此不要令知與元達詔即須云一切委任元達與弘敬詔即云一切委任弘敬但稍示親

信必自盡心

以前謹具如前高迪雖是河北軍將臣每度與言頗似忠信盡望付翰林約此意賜元達弘敬王宰石雄義忠詔所冀速平殘寇謹錄奏聞謹處

任畹李丕與臣狀共三道

右臣緣小寇未殄前月未與河中留後任畹委曲令轉問李丕有何方畧一一條跡報今得任畹書并封送李丕狀兩道並謹封上進其李丕狀一道論請依前取黃澤嶺路斷賊要害臣近訪知魏城路又徇春

嶺東西經五月十四日陣被賊掘坑塹至深必恐進兵不得古人云戰不勝則易地而處伏望密詔義忠朝清潛移兵取黃澤路掩其不備得否令予細籌度如可去便候進止事貴神速須務至密機計儻漏還備隄防其一狀請令諸軍各齎十日乾糧深入過險此亦是用奇之計伏望約此意賜石雄王逢詔令如此排比石雄就河府王逢就絳州各曬乾糧緣日色猶烈數日可致兼各賜度支側近軍糧米一二千石尤冀集事臣緣寇孽未剪每得四遠文狀皆願一一上聞頻瀆宸嚴不任惶惕伏望留中不出

續得高文端賊中事宜四狀

一高文端稱直下打澤州城恐損官軍兵馬緣賊兵緣有一萬五千人常出一半已上於四面山谷埋伏待官軍打城困乏即四面齊來救援恐落賊奸計其陳許軍請過乾河北逼澤州更下一寨城堡連接便築鹿項夾城但從一面起手圍遼澤州每日常湏大兵排陣四面抵敵賊救兵賊心危急恐被圍合必有大戰待賊軍退敗乘勢便收澤州如此則不損官軍免落奸計伏望依此詔示王宰

一請令王逢進軍取賊回鎮兩寨但兩嶺上排陣直抵賊固鎮寨當川亦須着兵亦抵賊寨緣固鎮兩寨四面懸崖官軍便打必恐損人難收其賊寨更無井水盡喫泉水在寨東南澗內約一里已來但逼賊寨三兩日絕其取水路賊軍無水可喫即須拔寨退走官軍便可進固鎮東十五里是青龍寨在嶺北側上四面並是懸崖取水亦在寨外還依固鎮寨絕其取水路即得青龍寨東去沁州十五里城寨至牢固賊兵約一千五百人內五百人土軍團練全安慶自願伏望

李德公文集卷十七  
依此詔示王逢

一長橋賊都頭王釗約將一萬兵今在潞州城內緣  
劉稹處置却失天井關都頭茂卿一門又處  
置却邢洺兩州救援兵馬使談朝清兄弟三人  
王釗自此疑懼劉稹差親器仗官賈少遇追王  
釗入潞州並不伏追官健一時叫闕王釗已持  
兩端必不肯爲劉稹用命本是潞州子弟見有  
兄弟數人在軍材能最出於衆若招降至多必  
恐顧惜家口又官健投降後爲諸軍所殺亦恐  
非願唯密將意與王釗令將一萬人却入潞州

處置得劉稹別與一道節度使兼與檢校高官  
更別賜錢物高文端云官健受苦日久朝夕難  
過家屬盡在潞州若遣回軍必皆情願臣恐弘  
敬不知王釗不伏劉稹追呼伏望專降中使密  
賜詔示令依此速致意與王釗取其回意聞奏  
河朔多異色人若遣傳意計合必達

一臣問高文端賊中誰人作急高文端云潞州城內  
即有郭誼王協張谷向外即劉公直臣先得元  
龜狀稱劉公直曾事王晏平常依倚於王宰伏  
望詔王宰令百方將意與劉公直若肯回戈却

李德公文集 卷十七  
取劉稹亦許別與重官酬仍別賜錢物

以前謹具如前昨日高文端到宅辭臣因子  
細問得賊中事宜兼共商量計策皆似可謹  
錄奏聞謹奏

天井翼氏事宜狀

右臣昨日晚見鎮州奏事官高迪云向前已曾向臣  
言軍中密事今更有切事要言於臣請不令王昉知  
今山東三州歸降已平了天井翼氏却須令堅守城  
寨不得與戰不二十日內必自變生緣賊已窮蹙不  
可更逼著恐其計窮必爲濟河焚舟之計一入敵十

人之命官軍與戰必恐不利若萬一小衄却恐延賊  
旬月之命緣臨洛已投魏博當遣兵馬過來不得請  
召弘敬速撥兵取臨洛路便扼武安潞府知山東兵  
來必梟擒劉稹向闕臣伏見高迪之言至忠至切伏  
望速賜弘敬王宰石雄詔處分謹密狀奏聞伏留中  
不出

洛州事宜狀

右適徐乃文將弘敬委曲呈臣似憂朝廷處置洛州  
亦未得所臣細問其故徐乃文云安王已送啓狀與  
王釗高元武又歸投王釗即日有二萬六千人甚得

軍心都頭盡皆畏伏取郭誼未得已前且要令在洛  
州勾當緣歸降人皆未甚安忽恐惜留王釗未肯放  
出萬一有此終不如無伏望速降使賜弘敬詔看彼  
事宜如王釗出彼未得且令勾當待盧鈞到後令赴  
關不遲崔叔途是王釗下都頭甚有膽畧昨來曾謀  
歸國盡是叔途王釗未出已前弘敬意且欲留叔途  
今在關下伏望於安省安置其弘敬委曲謹封進上  
委曲中所云中丞是李回謹錄奏聞謹奏

回鶻事宜狀

右自劉稹平後臣久欲奏聞請降職事情中使宣諭  
仲武令早滅却殘虜兼探仲武見劉稹平後有何言  
說兩度緣延英論事校多未及陳奏昨日奏事官論  
博言到傳仲武語與臣近稍得回鶻消息人心頗有  
離異緣可汗欲得授安西其部落百姓皆云骨肉盡  
在向南願授國家又云與室帟已不得所據此時勢  
卽合歸降不然自相破滅伏望因此機便特降供奉  
官有才識者充使兼賜仲武詔諭以劉稹已平天下  
無事唯殘虜未滅常繫聖心仲武猶帶北面招討使  
合爲國家了却殘虜成此功業令趨於鎮魏朝廷酬  
報必極優崇料仲武全羨兩道立功皆加寵位又知

李德公文集卷十七  
朝廷內無寇孽足得捍邊伸武是見機之人必思自  
効令取歲內百計招降兼示以優待可汗必令得所  
緣國家與回鶻久爲敵國結怨已深雖近方戢兵終  
須早有經畧且令招誘最謂得宜臣謹密狀聞奏此  
狀望留中不出

振武節度使李忠順與臣狀一道

右今日振武奏事官閻立弘到云却收到河東沒落  
官健楊惟清等二人稱回鶻可汗在天德北三百里  
已下臣昨日已見李思忠下軍將閻顯說思忠意緣  
朝廷册命黠戛斯恐回鶻可汗必懷疾妬與諸小蕃  
合勢遮截漢使請令漢兵且於天德住待計會黠戛  
斯兵馬迎接方可進發今忽近天德已似有驗其邊  
界事宜李思順皆自有表進訖李思順別有狀一道  
稱回鶻合祿等一人投降管得款云可汗見在兵  
只有一千五百人衣甲約六七十領角有三隻鼓有  
四面每度與諸蕃打得羊馬數亦至少旋自分却據  
此通款事皆詣嘗奉忠順疑蕃人詐妄未敢奏聞其  
別狀謹封進上伏望聖慈早加警備以戒不虞臣此  
狀請留中不出

潞府事宜狀

李德公文集卷十七  
右臣伏見報兵馬不肯發赴振武閉城叫反古人云  
敗軍之氣沒世不復今潞府乘破敗之後又失天險  
只是憚於征役豈敢更爲逆命亦恐是盧鈞姑息太  
過軍人知其畏懦因此生心然亦須及其事初預爲  
之備臣比見叛亂之地皆是制置太遲及朝廷徵發  
賊已處處設備兵漕云疾雷不及掩耳又云用兵只  
聞拙速不聞巧遲去春楊弁便是速討之力旬日而  
平望賜王宰密詔令府城下揀四千人縱縱排比如  
已聞作亂不要更待詔旨令一千人守石會關令三  
千人取儀州路把斷武安緣軍糧兵馬多在山東但  
遣邢州不通自然駐旬月不得邢洛之心未可保亦  
望密詔王縱溫士良各令自守不得出兵唯要與武  
安路太原兵馬遙爲聲援最切在令山東斷絕卽立  
可知剪縱萬一無事不妨且賜密詔王宰先知石雄  
勇於赴敵計亦知警急必便澤州亦要賜澤州詔守  
並須用河陽兵馬不得用昭義舊人亦要賜茶甫詔  
知有警急發馬步一千人赴晉州屯集以防越軼臣  
累慮所及不敢不便奏聞伏望留中不出

論昭義軍事宜狀

右適魏博奏事徐廼文見臣云昨日聞三道使出城



一道往魏博恐令弘敬出軍却慮三州不安實非穩便臣當時說何聖意只令石雄至潞州界有搜索惡人恐三州未諭朝旨知弘敬忠盡故令中使先往遣弘敬安存三州並不徵發廼文稱若如此處置至爲切當緣涉縣正當山東系口絕是要地有鎮兵五百人已下去潞府一百六十里軍糧至多潞州官健月糧皆在此請受恐潞府叛兵急則投竄涉縣搖動三州切要國家先遣兵把捉此鎮有昭義舊都押衙焦長楚是本軍舊人劉從諫降黜令往山東今在邯鄲若朝廷特賜一詔令鎮守涉縣兼把捉潞河徽子口至爲穩便如焦長楚不可委信朝廷專揀一武將速去亦得古人云耕當問奴織當問婢蓋以其雖是下賤能識耕織之故臣不諳澤潞界內山川見廼文所說稍似有理不敢不便密狀聞奏望賜留中不出

李文饒文集卷第十八

會昌一品制集

進獻

進上尊號玉冊文狀

進上尊號玉冊文狀

進真容讚狀

進幽州紀聖功碑狀

進點夏斯朝貢圖傳狀

進侍宴詩一首狀

進新舊文十卷狀

進瑞橘賦狀

李衛公文集 卷十八  
進西南備邊狀

辭讓

辭官表

讓太尉第二表連批卷

讓太尉第三表

讓官表

讓司空後舉王起自代狀

加司徒請停冊禮狀

請改封衛國公狀

爲星變陳乞狀

讓張仲武寄信物狀二

進上尊號玉冊文狀會昌二年

今月二十一日奉宣令臣撰文者臣聞王充云古之帝王建德者須鴻筆之臣褒述紀德又楊雄云廊廟之上高文典冊用相如臣本以門蔭入仕不由進造之選獨學無友未嘗琢磨然心好藝文老而不倦近加衰病久廢含毫祗奉渥恩實懷榮懼謹以撰訖謹連封進不任兢惶隕越之至謹錄奏聞伏候 勅旨

進上尊號玉冊文狀會昌四年

奉宣令臣撰文者伏以陛下聰明神武高顯百王伐

李衛公文集卷之八  
罪成功清和六合雖有鴻筆猶難措辭况臣從吏多年文業久廢克勵疲病莫副殊知祗荷明恩倍懷兢惕謹以撰訖謹連進上不任榮抃惶越之至謹錄奏聞伏候 敷旨

進真容讚狀

奉宣令臣撰者臣幼習儒風莫能勵已長從吏後無所成名雖嘗忝禁林獲掌綸命學旣慙於刻鵠文有愧於雕蟲陛下假以恩光常加寵飾賜令撰述益荷殊榮但以談天者豈測其高酌海者莫知其廣聖功神武睿德文思雖欲贊揚實撰不逮今已撰訖謹連封上塵黷嚴宸無地自容不任兢惶榮抃之至

進幽州紀聖功碑狀

奉宣令臣撰述者北狄強悍勇於四夷前代聖王莫能制伏昨者回鶻雖乘危蹙勢已內侵豺狼之師尚餘十萬陛下神武雄斷智出萬方震天威以霆聲碎攢我而瓦解武功盛烈高穎有王豈比周穆犬戎之征荒服不至漢武馬邑之詐群帥無功將垂耿光宜命鴻筆臣學藝荒淺久病殘衰紀軒后之功徒知竭思叙唐堯之德終愧難名採其功狀稍似摭實今已撰訖謹連進上輕黷宸扆不任惶越謹錄奏聞

進頡戛斯朝貢傳圖狀

臣二十一日於延英面奏呂述等准敕訪黠戛斯國  
邑風俗編爲一傳今修撰已成稍似詳備臣伏見貞  
觀初因四夷來朝太宗令閻立本各寫其衣服形貌  
爲職貢圖臣謹令畫工注寫注吾合素等形狀列於  
傳前兼臣不揆淺陋輒撰傳序所冀聖明柔遠之德  
高於百王絕域慕義之心傳於千古輕黷宸嚴伏增  
兢惧謹封上進

進侍宴詩一晉狀

伏以六合清和四夷慕義芳春令節錫宴群臣見膏  
露之晞陽書畫圖之解慍萬心歡樂累日忘疲伏惟  
陛下睿德日新文章天縱詞高黃竹思縈白雲含毫  
而瑞景揚光擲藻而非烟動色臣早司綸綍嘗忝內  
庭雕蟲薄技實感憲宗穆宗文宗知疑不測不揆淺  
薄輒進詩一晉輕黷宸嚴伏增惶惕謹隨狀奉進

進新舊文十卷狀

四月二十三日奉宣令狀臣進來者伏以楊雄云童  
子雕蟲篆刻壯夫不爲臣往在弱齡卽好辭賦性情  
所得衰老不忘屬吏職歲深文業多廢意之所感時  
乃成章豈謂擊壤庸音謬入帝堯之聽巴渝末曲猥

李德公文集卷十八  
蒙漢祖之知跼蹐慙惶神魂飛越謹錄新舊文十卷  
進上輕黷宸嚴

進瑞橘賦狀

今月十九日聖恩賜臣朱橘三顆者伏以遠自湘山  
移根清籟蒙雨露之渥澤比日月之休光始發素榮  
俄成丹實誠宜奉金華之宴助玉食之甘豈謂恩及  
賤微獲觀嘉瑞臣久參綸命常効雕蟲仰荷皇慈輒  
獻小賦輕黷宸嚴倍積兢惶臣又伏見玄宗朝種柑  
結實宣付史館祖宗故事敢不奏聞其賦謹隨狀上  
進臣不任感恩踴躍之至謹奉狀以聞

進西南備邊錄狀

伏以犬戎歷代爲患國之仇讐南蠻自經負恩常懷  
反側西蜀兩路實繫安危臣頃在西川講求利病頗  
收要害之地實畫經遠之圖因著西南備邊錄十三  
卷臣所創立城鎮兼畫小圖米鹽噐甲無不該備昔  
蕭何收睿覽第四卷叙維州本末尤似精詳所冀聖  
慈知臣竭力奉公盡心立事所至之地不敢苟安輕  
黷宸嚴伏增戰越

讓官表

臣某言伏以臣之事君猶子之事父若情有所隱志

在苟安不自披誠即為冒寵臣某誠皇誠恐頓首頓  
首伏惟仁聖文武至神大孝皇帝去利用相有大舜  
之功柔遠固存臻漢宣之理故得王道正直海內邊  
朔底寧干戈永戢文明之化方致雍熙螢燭之光所  
宜自息豈敢虛矯上負君親臣始自孩童常多疾病  
逮於壯歲猶甚虛羸屬蕪問江南在再八歲移鎮巴  
蜀晉尾三年暑濕所侵遂成沉痾患風毒脚氣十五  
餘年服藥過虛又得渴疾每日自午已後瞑眩失常  
形骸僅存心氣俱竭唯恐晚歸私第殫盡道途臣伏  
見國史岑文本受委既深形骸頓竭太宗嘗謂左右  
知其將盡常處厚積以虛憊不早退身侍立之時什  
於王塔之下臣竊以二臣為戒不敢違安所冀陛下  
弘太宗之仁下軫念於無及臣得延處厚之數免自  
促於明時伏望陛下察臣懇誠矜臣衰耗得罷繁務  
退守州行稍獲安閑漸自願養一二年後或冀有瘳  
臣儻餘齡尚存筋力未朽必當灰身粉骨上報聖慈  
不任祈恩之至謹奉表

批答不錄

讓太尉第二表

第一表舍人撰不錄同日更進此表

臣某言臣今日已進讓表驚寵之心不遑啓處再陳  
恐懇實懼為煩臣某中謝伏見國初已來授此官唯

有七人尚父子儀猶以懇辭而免近者智興載義皆  
超拜太傅太保只緣朝廷重惜此官裴度守司徒十  
年竟不遷授以臣僭越必致顛擠况臣旣魚汗馬之  
勞洎塵莫効又有負薪之疾曠廢至多唯陛下寵以  
美名榮皆過實而臣覲顏自處竊位偷安非止獲朝  
野之譏實恐受神明之譴輒披丹款猶冀聽從伏望  
息罷新恩且守舊秩不任祈恩迫切之至謹再奉表  
以聞臣某 云云

省表具知我文祖有文貞房杜左右前後若日  
月照臨緝熙帝圖肇顯天祿異代同德建勲垂  
休克相朕躬光集大命功居第一節貫在三神  
開智謀識洞著蔡用夔龍之道振堯舜之風懸  
衡不欺朗鑑能燭乃者軍旄狂戾參剪伐之權  
頑童侵虐啓平殄之策替我獨斷挺身群疑子  
房潛運於先機張華堅執於必克制變兵事訐  
謨國經畫則共議公朝夜多不寐私室輝發綸  
綽揣摩典章弼亮五年風雨一志剛健不倚謙  
尊益光見吳芮蕭何之心盡食藜飲水之節今  
邊烽息照兇首已殲允賴疇咨克平夷夏特寵  
槐庭之拜俾崇鳳沼之榮巍我三台耀映千古



未為寵眷繼有讓章體朕至懷宜斷來表所謝  
知

讓太尉第三表

臣某言臣聞廟器不盈周公戒其必覆馬力已竭顏  
氏知其必顛臣竊感之以憂以蹙臣某中謝昔子文  
避祿竟之逃死治厓辭鄉迫於惧禍伏以上公亢極  
本待勛臣其間或授時賢皆是元老臣既非耆艾又  
乏戰功奉宸筭而曾靡運籌假英威而亦嘗推轂有  
何勞効象此殊榮夙夜自思至今戰汗伏見廣德二  
年九月十七日代宗受尚父汾陽王此官三讓而免

至大歷十四年閏五月三日德宗再申前命重授尚  
父不許陳讓三載而終臣竊思尚父十五餘年得延  
光寵豈非牢讓而致騰所持昨者恭惟聖獎至深恩  
意加等祗受典冊未敢固辭臣伏念齒髮雖彫心力  
猶在實願替陛下升平之運見萬方仁壽之期東封  
告成大典咸備然後散金娛老歸守丘園貪全盛時  
不忍自促所以再陳懇款上瀆皇明竭至敬而不敢  
繁文陳至誠而不為飾讓心懇詞直庶獲聽從伏望  
特追新恩却守舊秩臣不任懇迫屏營之至

省表具如褒德賞功禮經備舉疇庸眷効國典

攸存昔子儀以外止軍功所宜牢讓今卿以內  
匡時政非合固辭况道濟公忠才兼文武弼諧  
五載始終一心頃以虜寇初平纔息戈甲旋又  
潞童怙亂須議翦除唯卿竭誠與我同志晉武  
平吳之計全在張華漢高鎮俗之謀誰先周勃  
所以舉茲寵秩用答元勛恨更無官以償忠節  
且三載考績猶進律以甄勞况五兵成功無超  
位而表異自予遷授非限常程式示恩榮允符  
公論是宜贊傑用佐經邦王祥之碩德當任楊  
秉之貞廉稱職未酬萬一無至再三勉服官常

宜斷來表

讓官表 批卷不錄

臣某言臣聞道不欲盈玄祖之至誠人惡其上魯史  
之明規既以迫於愚衷敢慮動而生悔臣某中謝臣  
頃居宰弼獲戾於時既望泪以懷沙甘赴湘而溺死  
自謂永違白日莫覩青天雖文宗墜履不遺驟分圭  
瑞而微臣傷弓是惧常蹈春冰伏值陛下大明初升  
臨照四海知臣常忝禁署逮事穆宗念已廢之舊物  
憫旣傷之弱羽召自滄海擢授黃閣明德每覆其瑕  
疵至仁常矜其衰疾參贊萬務倏已六年表冕裡郊

再覩配天之禮干戈問罪三見拘原之功所謂有生  
遭逢千載際會徵倚伏之數惟恐罹災思存亡之幾  
所宜知止非慕三公乞骸之請敢希二疏解組之風  
忍去盛時自貽深戚實以久嬰沉痾年漸衰遲宗族  
孤單兄弟衰落先臣松楸近在東國家屬數人皆居  
上國不欲遠離京闕只願歸老田園伏望陛下深鑒  
孤忠特遂丹懇察臣上報聖德不必須在鼎司改授  
閑官優游暮齒所冀自知稅駕無李斯之歎音便保  
懸輿復常賢之故事進退惶灼伏地涕零不任兢惶  
感切之至謹奉表陳乞以聞臣某云云

上司空後舉太常卿王起自代狀

伏准建中元年正月五日敕常參官上後三日舉一  
人自代者昔東漢以陳蕃為三公其讓表曰不憊不  
忘率由舊章臣不如太常胡廣臣伏見前件官五朝  
舊老一代名臣孔門四科實居其首臯繇九德無不  
備包足以燮和陰陽允叶人望當唐虞讓德之舉副  
陛下則哲之知伏望察臣至誠之非飾請所冀虞丘  
無蔽賢之咎減文免竊位之譏謹錄奏聞伏候  
敕旨

加司徒請停冊禮狀

李衛公文集卷一  
臣伏見今月二十二日制書制授臣司徒仍令所司擇日備禮冊命者臣竊位妨賢允宜黜免聖慈寬宥擢授中台踟躕慙惶若臨泉谷伏以明庭授冊上路乘軒豈可以覲冒之容再塵清廟不稱之服重列天衢爲衆目之所嗤致處士之橫議臣且自愧况在周行人以伐叛之時所宜務簡炎蒸之候不可勞人伏見大和四年裴度受司徒平章事故辭冊禮竟獲允從既有近例足得循守伏望陛下察臣懇款皆自至誠冊命之禮特賜停罷臣不任

請改封衛國公狀

臣今日蒙恩進封趙國公承命哀惶不任感涕臣亡父先臣憲宗寵封趙國先臣與嫡孫寬中小名三趙意在傳嫡嗣不及支庶臣前年恩例進封合是趙郡臣以寬中之故改就中山亡祖先臣曾居衛州汲縣解進士及第儻蒙聖恩改封衛國遂臣私誠庶代受殊榮免違先志如蒙允許望賜帖麻施行臣不任悲懇屏營之至謹奉狀奏聞

爲星變陳乞狀

臣某言伏以謫見于天以警在位稽於前史皆有明徵臣某中謝臣才非時須量乘公器因緣門蔭遂忝

華資出入蕃宣已逾三紀早負素飡之責常愧周行  
老無黃髮之謀空竊高位夙夜思省冰炭在心近伏  
見熒惑順行稍逼上相實惧天譴以致身災武德七  
年熒惑犯左執法右僕射蕭瑀遜位貞觀十五年熒  
惑犯上相左僕射高士廉遜位國史之內此例至多  
臣人微才輕位忝止相倘冒恩寵猶自懷安忽至顛  
擠必傷文化雖竭誠報國必不愧於明神蓋禮事君  
志實貫於冰雪所慮物忌其滿天與之災跼踖兢惶  
不知所擬伏望聖慈察臣單者海內孤根百口童蒙  
仰臣覆露一門宗祀保主特免上公退歸私第  
所冀中衢擊壤復比於堯翁舊里懸車不慙於漢相  
臣不任祗恩皇迫之至

張仲武與臣書四紙內一紙信物數

今某月日仲武判官華封輿到臣宅送前件書并信  
物等已聞奏訖臣素具懇誠實非飾讓臣登朝序垂  
三十年未曾為宰相撰碑所悉蓋緣雕蟲薄伎已忝  
榮名不願鬻文更受財貨比見文士或已居重位或  
已是暮年矻矻為文只望酬報臣心鄙耻所不樂聞  
大和中幽州刺史李載又撰碑斂取大過軍亂之際  
怨詞頗甚况今陛下聖明御寓風教鼎新文德邁於

李德公文集卷十八  
羲軒武功高於周漢河朔節將皆竭忠誠允宜示以  
典章令知法度臣忝居台鉉過受殊恩若不守廉隅  
坐厚賂何以仰裨玄化表率庶僚倘以仲武之情不  
可全阻許臣量受一千匹已是乖臣本心伏希聖慈  
鑒臣丹懇仲武書謹封進上臣不任云云

再讓仲武寄信物狀

右高品孟公度至奉宣聖旨緣河朔體太令臣即受  
者伏以浩蕩之功生靈共載擊壤之內謳歌必歸昨  
者藩臣拜章願紀貞石臣謬當臣願獲聖功才力至  
微神武難備莫能相質空愧雕蟲豈敢廣受繡素增

其蕪鄙虧於事體班臣本心昨日進狀懇辭誠非飾  
讓實以文至淺陋已慙黃絹之工取又不廉益昧素  
絲之節愚衷上啓宸鑒未回特降玉人重宣聖旨捧  
戴慙懼進退徬徨臣事君之心實無所隱終希允臣  
誠懇獲守典章使廉儉興行皇風遐暢謹再狀以聞  
臣不任云云

李文饒文集卷第十八

文饒文集卷第十九

會昌一品制集

謝恩

故事宰相狀並是舍人或敕使節或以抵真夜須自叙意者即單狀

謝宣示盪沒斯等冠帶訖圖狀

謝恩賜王元逵與臣贊皇縣圖及三祖碑狀

謝恩令所進異域歸忠傳兩卷序中改元奉敕

撰狀

謝宣示所進黠戛斯朝貢圖深愜于懷狀

謝恩贈故蕃維州城副使悉怛謀官狀

謝恩所進瑞橘賦宣耐使史館狀

謝恩讓官批卷狀

李衛公文集 卷十九  
謝恩不許讓官狀二

謝恩收封魏國公狀

謝恩加特進階狀

謝恩不許讓官狀連宣

謝賜錦綵銀器狀二

謝問疾狀連宣二狀

謝宣示盟斯等冠帶訖圖狀

伏以漢宣帝時呼韓單于來朝京邑然待以客禮未備漢儀至後漢建武二十六年單于慕先人之義歸心中國光武修祖宗之業柔服北邊因其稱藩始知

冠帶厥後綿歷五代僅及千年惟聞征伐之勤莫覩來廷之盛伏惟陛下功高漢后威服窮荒不勞七月之師坐俟七旬之格故得盟沒斯誓心向闕稽首歸忠自獻刑馬之書仍酌留擊之酒永勵臣節以保塞垣今則榮以影纓解其衣毳簪笏就列威儀可觀推勁捍之心豈勞戴鶡服禮義之化寧比冠雞鑿于丹青益表神化臣等謬參樞近獲覩成功歡抃之心陪萬常品

謝恩賜王元逵與臣贊皇縣圖及三祖碑文狀



高品楊文端至奉宣聖旨賜臣前件圖等伏以桑梓  
雖存久隔兵戈之地松楸浸遠已絕霜露之思運屬  
承明時逢開泰戎臣効順寰海大同故國山河因丹  
青而盡見祖宗基構尋碑板而可知祗戴天慈載深  
感泣不任荷恩榮惕之至

謝恩賜進異域歸忠傳兩卷序中改奉勅撰  
奉宣卿所進異域歸忠傳兩卷宜篤賜盟沒斯序中  
仍云奉勅撰者臣才識淺近學藝空虚輕瀆宸嚴方  
懷兢惕豈望聖慈弘貸時假寵光頒賜歸國之臣仍  
榮奉勅之字草木乘雨露之澤皆被鮮輝煙霞照日  
月之光盡成綵績顧臣瓌陋獲奉殊恩竹帛垂榮傳  
于不朽不任荷恩感戴之至今既奉敕撰序與臣自  
進不同序中已改兩處訖謹同封進上如允聖意伏  
望宣付中書門下

謝宣示進黠戛斯朝貢圖深愜于懷狀

今日欵義行深至奉宣聖旨卿所進圖傳深愜于懷  
者伏以陛下大化神明百蠻震疊故遠夷慕義萬里  
來朝誠宜圖以丹青錄於編簡傳之千古以輝威靈  
臣學術空虚文藝淺薄輒爲傳序莫究聖功陛下延  
納微誠特賜宣示寵渥所及縉紳爲榮不任荷恩感

戴之至

謝贈故蕃維州城副使悉怛謀官狀

伏以遠夷率服大國綏懷一失良圖千古不復悉怛謀仰天歸命空辟求降據其款誠已絕羗戎之望執之爲戮實傷義士之心受降之時臣與其盟詛力不能採心實懷慙運屬聖酬合申幽枉輒敢論奏豈望聽從陛下用周文之心已同葬骨念汧城之枉仍賜策書臣忝補鈞衡嘗君戎帥仰感玄造陪百群情臣不任云云

謝恩所進瑞橘賦宣付史館狀

高品劉傳奉宣聖旨賜臣批示以臣所請宣示史館特賜允從者伏以橘性不遷楚詞所載聖情封植禁籟結根此六合同風九州共貫之應也玄宗朝種柑結實亦是乘太平之休氣適德之仁風事協祖宗實光簡冊臣目觀佳瑞慙無潤色之工心感玄猷莫盡揄揚之美豈謂天慈曲被特允微衷擊壤庸音獲知於皇鑒雕蟲薄伎謬列於青編千古光榮百生何幸不任感恩踴躍之至謹奉狀陳謝以聞

謝賜讓官批荅狀

高品馮至珣至奉宣聖旨并賜臣批荅以臣昨所陳

請未賜允從者蜉蝣淺命未報君恩犬馬微誠敢忘  
臣節迫以服藥瞑眩抱疾沉羸心力衰殘形氣減耗  
承訐俞之命或慮聞遺忽奉密之機實憂不逮輒陳  
誠款異或聽從陛下特降綸言再加褒飾德音撫慰  
自合忘生瘡痍至深豈敢言病謹當策勵疲蹇上副  
天慈竭盡肺肝以修官業不任荷恩感戴之至

謝恩不許讓官表狀

今日行深紹宗奉宣聖旨卿大尉官自朕意與不是  
他門僥求而不得要更引故事辭讓者臣跪受聖旨  
惶灼無地臣昨者以位高疾仆器滿忘傾實懷職室

之憂敢喜在閭之賀輒陳微懇退積慙惶陛下察臣  
孤立事君寵拔皆由於睿鑒一心守道進取不近於  
回邪勉以至公絕其辭讓臣敢不祗奉明詔克勵貞  
規慕孔父益恭之誠遵叔敖愈卑之志豈比罪無所  
禱孫賈黜於聖人久不自安崔烈詢於厥子仰思瞻  
宸倍積光榮不任荷恩感激之至謹奉狀陳謝以聞

謝恩不許讓官表狀 兵罷後上表

行深紹宗奉宣聖旨豈政理有失風俗有乖何遽退  
辭一二年分憂不用進表者伏以自古臣得其君最  
爲難遇非龍顏英王良平無以効其謀非日角聖姿

寇鄒莫能申其志則知致理不由於臣力成功皆系於上心伏以陛下明過高光德侔天地常制勝於千里之外動合機先不取材於三傑之臣皆躋慮表故能征伐必克擒縱無遺臣謬忝鈞衡親稟神筭竟微獲兔之効內展指蹤又無汗馬之勞外施武力每奉聖詔屢焚丹誠夙夜自思冰炭交集况今四表無事六氣斯和蕭芳可致於治平文軌盡同於玄化時雨旣降浸灌何施鴻明照臨燿火宜息昨者輒陳誠懇上黷宸嚴所冀守介石之誠或能回日寧敢慕揮金之樂取適當年陛下至德矜愚深慈宥過寬其罪戾重降恩私唯願盡蝼蟻之生勉自陳力豈復顧蜉蝣之命更徇微衷上戴皇明尤增覲懼臣不任

云云

謝恩加特進階改封衛國公狀

奉今月二十七日敕臣封衛公者仰戴天慈獲遂私懇以感以泣榮暢載深伏以支庶嗣侯雖存故事玄成以兄有譴乃紹扶陽之封耿霸以父屬愛遂繼牟平之爵開元中蘇頲特封許國公亦無襲字然地居嫡長受則無嫌伏思亡父先臣開國全趙亡兄已經繼襲未傳臣每念貽謀豈宜不正若苟安殊寵實負幽明輒罄愚衷果蒙聰察况衛國之疆畛密邇叢臺

李德公文集卷十九  
先祖之所成名由茲光大微孫得以啓上實謂至榮  
祗奉寵章益慚非據臣不任云云

謝恩加特進階狀

伏奉今月十二日制書授臣散官特進者伏以漢氏  
之制勛望優隆則位加特進服以文冕列侍清祠榮  
亞三台品居第二自非學深張禹功重竇融則何以  
膺是寵章允茲瞻望臣器本凡薄才在下愚遭逢聖  
明謬忝樞務近者展采清廟祗事圓丘獲親日月之  
光已驚殊寵又沐雲霄之澤更荷新恩雖臣殞身豈  
能上報惟冀飲水効節介石存誠居若對於神明動  
罔憊於風雨保其一志少荅鴻私臣不任荷恩惕懼  
之至

會昌五年十二月三日宰相對後就宅宣示

謝恩不許讓官表狀連宣

卿所讓夷等奉欲遂願養辭位閑休今者社稷  
安謀系在良策况北虜殘孽未殄西戎國內不  
安除寇靖邊藉卿調鼎遽茲陳退所不忍聞縱  
累陳情終不允遂

今日奉宣縱累陳情終不允遂者臣在再六年徒竭  
丹款竟無一善稍補皇猷覲冒難居屢祈退免面請

則每慮煩瀆口陳則莫盡肺肝頰以懇誠託於同列  
因臣不對得爲上聞豈意天慈矜愚聖德念舊尚取  
涓塵之効未徵尸素之尤累降近日再宣慈旨實恐  
螻蟻之命無以報天所冀盡犬馬之心唯知戀主  
仰戴皇澤倍切微衷臣不任云云

謝賜錦綵銀器狀

中使田獻鐔至奉宣聖旨臣前件錦綵銀器等臣伏  
聞虞舜舞干而苗人來格周穆祖征而荒服不至即  
知王者之功莫大於耀德戢兵安人柔遠伏以陛下  
聖德廣運神武照臨息雷霆之威而蠻夷自服弘天  
地之德而邊鄙又安臣願以鴻猷播於蕃師因綴古  
今之事度堅忠義之心豈意慈容厚加寵錫班行聳  
聽里閭生光非止闔門之榮實增後代之價仰慚恩  
覆倍積兢惶

謝恩賜錦綵銀器狀

高品劉行宣奉宣聖旨以臣撰真容贊特賜前件錦  
綵銀器等臣學非稽古文不逮人徒以運遇聖明職  
叨宰弼宸心何屬榮寵存加得以淺瀾之詞上述鴻  
明之德叙帝先之奇表非可強名讚軒后之英威空  
慙竭思豈謂皇慈曲被厚錫俄霑錦綵煥華麗之文

器物呈彫鏤之妙跪受榮感報効無階臣不任

會昌二年六月二十九日就宅宣并謝恩問

疾狀

卿昨日所上表陳情緣多疾病請退守周行朕  
已省覽終不允所奏卿實有疾爲復別有故如  
要情有據陳宜盡肺肝便進狀來况北虜未歸  
朝廷事切每有料度皆籍規模且三五年間終  
未令卿離中書忽有奏章實難允遂如實有疾  
但將息候痊日須強扶持對乘仍斷來章

高品駱遂泰至奉宣聖旨者臣承命兢皇不知所處  
臣緣抱疾歲久服藥過多形體虛羸筋力不逮實恐  
妨廢機務轉積憊尤所以輒獻懇誠願辭繁劇每於  
延英奏事陛下常假慈顏心肺肝懷無所不盡更無  
他故須有上陳只以衰羸自憂顛仆况臣四海之內  
孤獨一身唯將赤誠仰戴明主豈敢輒懷願望上負  
天慈伏望更許兩日將息即冀朝謁臣不任云云  
謝恩問疾狀

高品王克諫至奉宣聖旨卿小有違裕昨日於延英  
面奏乞假將息實疾予懷且善願養當就痊平所要  
內庫食物及藥物無致嫌疑但具數奏來即令宣賜

李衛公文集卷十九  
者臣緣常服冷藥十五餘年屬蒲柳年侵衰憊日甚  
風毒脚氣往往上衝頃刻之間心腹悶痛飯食至少  
筋力漸羸所以冒昧上陳請三數日在家捋息陛下  
恩深覆育軫父母惟疾之憂德過生成念犬馬至微  
之命恤問稠疊沉痾頃痊臣食物未得更無所聞天  
慈下降感極涕零臣不任△云

李文饒文集卷第十九

李文饒文集卷第二十

會昌一品制集

祈告

武宗改名告天地文

祈祭西嶽文

賀廢毀佛寺德音表

瑞橘賦并序

奉和聖制南郊禮畢詩

郊壇回聖慈召至御馬前詩

寒食三殿侍宴奉進詩

武宗改名告天地文



臣讚承丕緒勵翼七年不敢怠荒以思無逸北制強虜東翦叛徒享此鴻名實由玄造常欲述帝堯之典欽若昊天修周武之法建用王極成于王道以黜異端釋氏之教興於戎狄悖君臣之禮廢父子之親耗蠹蒸人殫竭物命宣尼垂訓不語怪神因而漸除咸一於正襲前聖之業燦而光明臣之本心諒在於此伏以書載五行當被水土名有五義不以山川之稱名稱遠古典今則循漢宣之故事稟皇祖之詒謀採用離明以符土德又臣近因微恙已及二時感此陽和物皆暢茂未逢勿藥之喜獨有向隅之憂如臣政教不剛宜有陰譴刑罰不中未合天心伏願舍臣咎愆許臣改悔永保宗廟以安邦家所疾日瘳平復如舊五星度理百福來臻敢不克己厲精禋事上帝洗心齋戒嚴奉神祗懇陳至誠仰望照鑒

析祭西嶽文

惟神作鎮中土據于西陲積高炳靈宅神明之粵少陰協德成天地之功恭聞烈祖玄宗御曆永年祭必受福秘藏昭賽金刻猶存近者陰澤稍愆宿種未茂精意總達甘露驟零既紆播種之勤已獲流根之潤今因報德再竭至誠某續奉丕圖勤勞七載恭已思

李德公文集卷二十一  
道豈敢怠荒屬黠虜南侵震鷲朔野兵鋒一舉毛毳幕  
皆焚潞子嬰兒梟晉魏闡參墟叛將面縛壘門成此  
武功無非幽贊又以釋氏之教出於西夷棄五常之  
典絕三綱之常殫竭財力蠹耗生人黜其異端以正  
王度庶可復古諒非近名屬以忽於所慎寒暑戕疾  
曠時且乖於勿藥昧且徒切於求衣如某政教不闕  
宜有陰譴刑罰不中未合大心實希明神許其改悔  
未保宗廟以安邦家所疾日瘳平復如舊昔成湯自  
咎者六零雨消災宋景善言者叁法星退舍至誠所  
感前史昭然誠信不欺恃神正直敢不誓於丹腑嚴

奉明靈敬陳忠懇伏望臨鑒

賀廢毀諸寺德音表

臣某等伏奉今日制拆寺蘭若共四萬六千六百餘  
所還俗僧尼并奴婢爲兩稅戶共約四十一萬餘人  
得良田約數千頃其僧尼令隸主客戶大秦穆護檀  
二十餘人並令還俗者臣聞仲尼祖述堯舜憲章文  
武大弘聖道以黜異端末季以來斯道久廢不遇大  
聖孰能拯之臣某等申謝伏以三王之前皆垂拱而  
理不可得而言也厥後周爰成康漢稱文景至化深  
厚大道和平人自稟於孝慈俗必臻於仁壽豈嘗有

外夷之教黜中夜之風東漢楚王英始盛桑門之饌  
淪於左道桓帝更增犀益之飾歸於亂政魏之三祖  
西晉太康雖君非大聖臣非上哲然猶祖尚老莊斯  
教未行三東晉因吳人之佻薄襲孫權之弊政始建  
塔廟乃譯梵書宋齊梁陳其教浸盛好大不經之說  
陋乃詩書因報拔濟之談隆於仁孝運祚浮促篡奪  
相尋二百年間五變朝市君無殷宗之福臣靡衛武  
之年感驗寂寥斯可明矣高宗神堯皇帝方欲剷除  
斯弊掃刷中區時屬宰臣蕭瑀本梁氏之子孫尋覆  
車之軌轍廢格明詔以迄于今遂使土木興妖山林

增構一巖之秀必極雕鏤一川之腴已布高利鬼切  
不可人力寧堪耗蠹生靈侵減征稅國家大蠹千有  
餘年伏惟仁聖文武章天成功神德明道大孝皇帝  
陛下明紹於天粹合於道黜霸圖而功盛入聖域而  
德優常欲天下之動咸貞於一以一言之蔽思必無  
邪先定宸心獨羨英斷破逃亡之藪皆列齊人收高  
壤之田盡歸王稅正群生之大惑返六合之澆風出  
前聖之謨爲後王之法巍巍功德煥炳圖書臣竊位  
樞衡莫能裨益愧無將明之効徒懷鼓舞之心千古  
未逢百生何幸不任抃賀踴躍之至謹奉表陳賀以

瑞橘賦

清霜始降上命中使賜臣等朱橘各三枚蓋靈園之所植也臣伏以度淮瀉枳由地氣而不遷吹谷生黍信陽和之所感昔漢武致石榴於異國靈根遐布此西域柔服之應也魏武植朱橘於銅雀華實莫就乃吳人未格之兆也考於前史昭晰可知豈非天地和同靈物効祉去蠻夷之陋獲近太陽感王化之盛更承膏露草木尚爾况乎人心漢宣帝宮館山澤意有所感必詔近臣賦之臣幼學爲文忝列樞近稽晉獻

賦曰

羨南州之嘉樹受烈氣於炎德固一志於殊方遂不遷於上國貞柔凝碧鵠湘岸之夕陰華實變黃動江潭之秋色雜丹楓於溪畔映綠篠於巖側翡翠以之列巢鷓鴣於焉棲息雖同霑於雨露竊自得於彫飾終獲譽於皇明豈因人而羽翼感洪鈞之獨運幹造化之玄力思六合之同風採孤根而移植播元氣之茂育諒英靈之不測逮乎霜飛天囿風落秦川金莖炫耀於朝日五樹青葱於霽天峩方壺之翠島列靈沼之清漣上鬱松下秀蓀荃艷朱草與屈軼華靈芝

與嶺連靈卉畢植而嘉橘在焉冰心獨潤金衣更鮮  
天漢之華星焜耀閩風之珠樹粲然香若團於野露  
色疑炫於江煙旣而太官獻新奇果列筵飛厥苞之  
自遠何菲陋之莫傳樹隱方塘比丹墀之効實盤映  
皎日與赤瑛而共妍東鄙孤臣謬陳三事旣乏和羹  
之用猶霑可口之味并食不割竊愧晏嬰之知捧之  
以拜重感桓榮之賜庶不改於霜雪未酬恩於天地

奉和聖制南郊禮畢詩

磬筦歌大呂冕裘旅天神燒蕭闕闕闔祈穀爲蒸人  
羽旗灑輕雪麥壠含陽春昌運歲今會王猷從此新

三臣皆就日萬國望如雲仁壽信非遠群生方在鈞  
郊壇回輿中書二相公象聖慈召至御馬前

仰感恩遇輒書是詩兼呈二相公

七萃和鑾動三條葆吹回相星環日道蒼馬近龍媒  
古詞臣歌馬蒼咫尺天顏接光華喜氣來自慙衰且病無以  
效涓埃

寒食日三殿侍宴奉進詩一首

宛轉龍日節參差燕羽高風光搖禁柳霽色暖宮樞  
春露明僊掌晨霞照御袍雪疑陳組練林植聳干旄  
廣樂初踰鳳神山欲抃鰲鳴笳朱鷺起疊鼓紫駢豪

象舞嚴金鎧豐歌耀寶刀不勞孫子法自得太公韜

已上四句奉述內樂破陣樂分席羅玄冕行觴舉縹醪穀中時落

羽幢末乍升猱瑞景開陰翳薰風散鬱陶天顏歡益

醉臣節勁尤高楛矢方來貢雕弓已載蔡英威揚絕

漠神筭盡臨洮已上四句奉述北虜款塞西戎畏威赤縣陽和布蒼生

雨露膏野平唯有麥田闢又無高祿秩榮三事功勳

乏一毫寢謀慙汲黯秉羽貴孫敖煥若遊玄圃歡如

享太牢輕生何以報祗自比鴻毛

李文饒文集卷第二十一



